

KODEKS PONAŠANJA - UDRUŽENJE ATLETSKI KLUB "NOVI GRAD SARAJEVO"

Kodeks ponašanja je sastavni dio Disciplinskog pravnika Kluba, i dužni su ga poštovani svi oni na koje se odnosi.

Cilj ovih propisa je uspostavljanje niza smjernica koje se odnose na odgovornost i ponašanje svih predstavnika kluba, trenera, članova kluba i roditelja, kao i svih onih koji svojim ponašanjem mogu uticati na opće blagostanje kluba.

U slučaju težih povreda navedenog u ovom kodeksu, a koje se ne uspiju riješiti dobrom voljom i zalaganjem uključenih strana, primjenjivat će se sankcije u skladu sa Statutom kluba i Disciplinskim pravilnikom kluba.

KODEKS PONAŠANJA ZA AKTIVNE ČLANOVE KLUBA

Na trening i takmičenje dolazite uvijek u dogovorenou vrijeme i mjesto, spremni i sa traženom opremom koju zahtjevaju trener i potrebe treninga.

Od članova kluba se očekuje zalaganje i savjesno obavljanje zadataka na treningu.

Ne započinjati sa bilo kakvim trenažnim aktivnostima dok vam trener ne da dopuštenje za isto.

Obavijestiti trenera prije treninga ukoliko imate razlog ili povredu koja može uticati na trening i na bilo koji način ugroziti vaše zdravlje.

Na treningu se ponašajte prikladno. Zabranjeno je ometati druge članove kluba (u sklopu prostora za obavljanje treninga) za vrijeme održivanja vježbi koje su sastavni dio njihovog treninga treninga.

Uvijek poštujemo kolege članove kluba.

Zlostavljanje bilo kojeg tipa, bilo da je to emocionalno, fizičko, rasističko, seksualno, homofobno, vjersko, na bazi invaliditeta ili verbalno uključujući telefonsku, komunikaciju putem društvenih mreža, neće biti tolerisano, i bit će sankcionisano u skladu sa aktima kluba.

Ponašanje u svlačionicama mora biti primjereno. Poštujte i čuvajte tuđe stvari i opremu kao da su vaše.

Obavijestite trenera na vrijeme ako ne možete prisustrovati aktivnosti za koje se očekuje da ste prisutni. Odsustvo sa treninga obavezno najaviti 24h sata ranije, nemogućnost učešća na takmičenju obavezno najaviti 10 dana prije održavanja takmičenja osim u slučaju više sile, te učešće na ostalim javnim nastupa predstavljajući klub potrebno je najaviti 12h ranije.

Ponosno nosite i odgovorno predstavljajte klupske oznake na takmičenjima i javnim nastupima.

Pokazivati primjerenu podršku svojim kolegama na takmičenjima.

Ne činiti i ne govoriti ništa što će tvoj klub dovesti na loš glas.

Lično ponašanje mora uvijek biti na visokoj razini i mora se povoljno odraziti na sport i klub. Neprimjereno izražavanje u javnosti ili važnim zajedničkim događanjima nije prihvatljivo.

Razgovarajte sa trenerom o povratnim informacijama nakon svakog takmičenja.

Uživajte u svom bavljenju atletikom i ponašajte se sportski bez obzira na ishod takmičenja.

Uzimanje dopinga i nedopuštenih sredstava je strogo zabranjeno. Očekuje se da su atletičari svjesni trenutne liste zabranjenih supstanci i posebna pažnja je potrebna ako neko uzima medikamente prije ili za vrijeme takmičenja.

Medikamenti: važno je da se informacije o svim medikamentima koji se trenutno uzimaju proslijede treneru. O alergijama na bilo koji lijek ili supstancu treba obavijestiti trenera.

KODEKS ZA PUTOVANJA

Ovaj kodeks se posebno odnosi na putovanja koja podrazumijevaju prijevoz i smještaj i dodatak je naprijed navedenom kodeksu, pojedinačno se odnosi na sve učesnike putovanja posebno na trenere kao predstavnike kluba, takmičare i druge članove kluba.

Konzumacija alkohola je u potpunosti zabranjena za sve članove kluba i trenere (bez obzira na dob) od trenutka polaska na putovanje, pa do trenutka završetka putovanja i preuzimanja djece od strane roditelja (ako se radi o maloljetnim članovima). Dakle u svim slučajevima treneri, članovi kluba ne smiju konzumirati alkohol niti koristiti opojna sredstva bilo koje vrste dok su na zvaničnom putovanju organizovanom od strane kluba u cilju učešća na takmičenjima.

Konzumiranje cigareta je zabranjeno za sve naprijed navedene učesnike tokom putovanja u organizaciji kluba.

Lični dojam svakog člana kluba bi trebao biti primjeren uvjetima i prema preporuci trenera. Klupska odjeća i oprema bi trebala biti nošena prema potrebama treninga ili takmičenja.

Očekuje se pohađanje svih aktivnosti osim ako se zbog opravdanog razloga ne dobije odobrenje kluba ili trenera za izostanak. Za vrijeme trajanja putovanja članovi kluba uvijek trebaju obavijestiti trenera o svojim dnevnim aktivnostima u periodu slobodnih aktivnosti tokom boravka. Tačnost u

svim prilikama je izuzetno važna i kašnjenje se neće tolerisati, posebno ako se to odražava na ostale učesnike putovanja i članove kluba.

Smještaj u hotelima ili sličnim ustanovama mora biti prema uputama kluba i trenera.

KODEKS ZA RODITELJE

Kršenje kodeksa za članove kluba prvo bitno će rješavati trener. Ovo može uključivati verbalna upozorenja, nakon čega može doći do suspenzije sa treninga na određen period, u ovisnosti od prekršaja. Ako trener ne može sam da izađe na kraj sa situacijom, trener će prijaviti incident Upravnem odboru kluba.

Posljedice kršenja ovih kodeksa mogu uključivati verbalna i pismena upozorenja ili suspenziju od klupske aktivnosti.

ODGOVORNOSTI KLUBA

Klub se obavezuje da će:

Nastojati odmah obavijestiti roditelja ili staratelja pozivom na broj koji se nalazi u evidenciji kluba, ako se dijete razboli ili dođe do povrede za vrijeme treninga ili u slučaju događaja druge vrste a za to se ukaže potreba.

Klub ili predstavnik kluba će se pobrinuti za člana kluba sve dok roditelj ili odgovorna osoba nisu u mogućnosti preuzeti dijete.

Osigurati da se poštju prava svakog člana kluba, a posebno maloljetnog djeteta te da je dijete uvijek sigurno.

Osigurati da su sve aktivnosti ispravno nadgledane/učene/trenirane i da se traži pristanak za svaku aktivnost koja nije prethodno dogovorena.

Osigurati da se svi treneri i članovi kluba ponašaju u skladu sa etičkim normama i da se odnose prema članovima sa poštovanjem.

RODITELJIMA PRAVO:

Podnijeti pismenu pritužbu klubu ako smatraju da se klub, trener kao predstavnik kluba ili drugi član kluba ne ponaša u skladu sa pravilima i normama.

Sarajevo, 25.03.2022. Godine

M.P.
